

ընդդէմ թշնամեաց Խաչին¹³²: Ի նմին աւուր գրեալ է Քահանայապետին եւ առ աւագագոյն Պարոնայս Լեւոնի, առ *Բակուրան*՝ (թէպէտ եւ Բական, Pagan, գրեալ է 'ի թղթին), որ է աներկբայապէս քեռի նորին՝ տէրն Պապեոսնի, եւ առ *Առոն*, որպէս գրի 'ի տպագիր պատճենին. այլ զի սա ոչ 'ի պատմութեան յիշի եւ ոչ 'ի կարգի բերդատեարցն, կարծեմ թէ *Հէթում* է (Aiton 'ի լատինն), տէրն Լամբրունի եւ եղբայր Ս. Ներսիսի. առ որս ծանուցանէ՝ զառաքումն դրօշուն առ թագաւորն, եւ յորդորէ նիզակակցել ընդ նմին եւ այլոց Խաչակրաց՝ 'ի հերքումն հակառակորդաց՝ քրիստոնէիցն¹³³: Ի դառնալ դեսպանին առ Լեւոն, պատասխանի շնորհակալեաց գրեաց սա 'ի Սոյո՝ յամսամտին հոկտեմբերի, 1201 ամին:– Յերեսին արքունական պսակս՝ զոր յերից մեծագոյն տիրապետաց երկրի մեծարանօք ընկալաւ Լեւոն, ('ի կայսերէ Ալամանաց, յինքնակալէն Կ. Պօլսի եւ յամիրապետէն Մսիմաց), յաւելեալ գերունակս այս Նշան տիեզերական Քահանայապետին եկեղեցոյ, 'ի դէպ է ասել՝ եթէ շքեղացոյց զգլուխ թագաւորիս մերոյ՝ ոչ միայն քան զգլուխս առաջնոց եւ վերջնոց թագակրաց մերոց, այլ եւ քան զամենայն ժամանակակցաց իւրոց, (զի մի՛ հետախոյզ եղեց յայլ եւ այլ դարս). այլ մեզ առաւել պանծալի է այս, զի ինքնին Լեւոն իւրովք արդեամբք արժանացաւ ձգել յինքն զպսակն, եւ զայնքան վեհագոյն զլուխս՝ կամ խոնարհել կամ հաւասարել զխոյ իւրում, եւ հարկատուս իմն առնել պատուոյ. որով, եթէ ոչ խաբիմ, բարձրագոյն կէտ է այս՝ ոչ միայն իւր՝ այլ եւ համօրէն Հայկական աշխարհավար փառաց:

¹³² ...Nos igitur tuæ devotionis sinceritate confisi ad petitionem dilecti filii Roberti de Margat, militis, nuntii tui, in nostræ dilectionis indicium, *Vexillum Beati Petri* tuæ Serenitati dirigimus; quo in hostis Crucis duntaxat utaris, et eamdem studeas contumaciam, cum Dei auxilio, suffragantibus Apostolorum Principis meritum, refrenare. Datum Laterani, XVI Kalend. Januari.– Թուղթ Գ Իննովկ. Բ, ՄԾԳ, ՄԾԶ:

¹³³ Դրօշ Ս. Պետրոսի՝ որ եւ անդստին յ'է դարէ յիշի 'ի Քահանայապետից Հռովմայ առաքեալ առ թագաւորս ոմանս՝ յընծայ եւ 'ի խրախոյս, ունէր զխաչաձեւ նշան երկուց բանալեաց, եւ 'ի վերայն կամ զպատկեր առաքելապետին կամ խաչ: Սոյն Պապ Իննովկէնտ. Գ, առաքեաց եւ առ Յովհաննիկ թագաւոր Վլահաց Գ'րօշն՝ նշանաւ բանալեաց եւ խաչի. մարթի նոյնատիպ համարել եւ զառաքեալն առ Լեւոն: Նորին դարձեալ Իննովկէնտեայ ասի 'ի Վատիկան քարանկար պատկերակերպեալ զեկեղեցի՝ դրօշ 'ի ձեռին նշանաւ բանալեացն, եւ խաչ 'ի ծայր ձողոյն: Բայց ոմանք համարին ընդ հնագոյն նշանս Քահանայապետաց Հռովմայ՝ զպատկերս երկոցուն գլխաւոր Առաքելոցն, ըստ օրինակիս զոր առաջի արարաք 'ի միւսում իջի, 491: